

# “O Se Molimau i le Moni o Nei Poloaiiga” (MFF 67:4)

Faitau faatasi le Mataupu Faavae ma Feagaiga 67:4–9 , ma vaavaai mo auala na tali mai ai le Alii i le atugaluga o toeiina e uiga i faaaliga na maua e le Perofeta o Iosefa Samita.

- E tusa ai ma le fuaiupu 5, o le a le mea sa tula'i i ai le au toeaina? O le a le aafiaga o lenei mea i le ala na latou manatu ai i faaaliga sa maua e le Perofeta?
- O le a le mea na valaaulia e le Alii le au toeaina e fai?

Faitau le faamatalaga lenei mai le talafaasolopito o Iosefa Samita e uiga i le mea na tupu ina ua uma ona maua e Iosefa le faaaliga ua faamaumauina i le Mataupu Faavae ma Feagaiga 67:

“O [William] E. M’Lellan, i le avea ai ma se tagata sili ona poto, i lona lava manatu, na sili atu mea na ia iloaina nai lo lona faautauta, sa taumafai e tusi se poloaiiga e faapei o se tasi o poloaiiga a le Alii, ae sa toilalo; sa o se tiutetauave mataga tele le tusitusi i le suafa o le Alii. O le au toeaina ma i latou uma na auai sa molimauina lenei taumafaiga lē aoga a se tagata e faataitai i le gagana a Iesu Keriso, na faafouina ai o latou faatuatua i le atoatoaga o le talalelei, ma i le moni o poloaiiga ma faaaliga lea na tuuina mai e le Alii i le ekalesia e ala mai i le avea o a’u ma se meafaigaluega; ma sa faaaliga e toeiina se naunautai e molimau atu i le moni [o nei mea] i le lalolagi atoa” (Manuscript History of the Church, vol. A-1, i. 162, josephsmithpapers.org).

Tusi se upumoni se tasi pe sili atu e mafai ona tatou aoao mai i nei mea na tutupu: \_\_\_\_\_

---

---

---

---

---

- E mafai faapefea i le talitonu i nei upumoni ona fesoasoani ia i tatou e faaoga ai le faatuatua sili atu i tuleiga a perofeta soifua?

